

二知軒詩續鈔

二知軒詩續鈔卷十六

定遠方濬頤子箴

古今體詩一百二十三首

癸酉七月
至十二月

贈管才叔

橐筆曾爲海上遊，幾年蹤跡在舒州。
雄才漫老蓮花幕，快意相逢文選樓。
結綠青萍終有價，棘籬蓬巷不須愁。
昂藏磊落秋風裏，看汝騰驤出一頭。

清芬遠誦韞山堂，比戶爭思燕瓣香。
掃盡公家門面語，傲侬時世美人妝。
熙湖詞伯新延訪，謂帖存前輩章水文宗

舊激揚

謂莘農師

莫戀秦淮遲返，權蜀岡賞菊共飛觴。

喜聞劉鐫山

有銘

副憲再典江南鄉試詩以賀之

三持籜節七年中

君丁卯科典試江南庚午科典試浙江今年閏六月二十二日又奉典試

江南之

命 突兀班心老更雄水部兼權魁望著

君攝少皇司空

華迭荷

聖恩隆重過虎踞龍蟠地不改鷹揚豹直風

爲國掄才光藻鑑肯令爨下有焦桐

依然宦海尙沉浮鍼芥從前記暗投長我十齡慚問字

君今年六十有九

勞君一顧爲停舟

庚午冬君由浙江旋京師道揚州

鹿鳴宴

罷期相見蟹眼前時恍聚漚傳語歐蘇遺蹟復可能迂

道蜀岡游

待月謔早秋聯句

秋來廿四日

子箴

季夏閏過半方欣殘暑銷

禮園

陡覺

物華換小極霍然愈

叔平

老顛笑且粲三旬園再窺

玉

谿

衆卉雲若爛新月甫上弦

才叔

簪盞莫輕散

箴

好花如美人

箴

照此天上鏡夜夜懸清輝

禮

新粧一何

靚素心媚孤芳

叔

絳幘宛雄勁妬佗葉作花

玉

傳得雁

來信秋豔勝春華

才

况有柳腰腰

箴

六枳紛引蔓

箴

紅紫互依附青桐交蔭之

禮

緣延瓜與

瓠蛾眉燦吐英

叔

松裊錦屏護高低障西風

玉

秀實溫

甘露何必山林幽

才

自在啟禪悟

箴

新種竹皆活

箴

蒙密三百竿濃綠映軒牖

禮

一雨滋檀

樂誠祈迓天貺

叔

吾室真隨安還思出西郭

玉

櫺極登

場謹此樂城野均

才

別思縈長干

箴

叔平才叔禮

皆將赴金陵秋試

閣

三君大雅材

箴

跌宕殊可喜同舟向白門

禮

高躅邁郭

李老嬾強自豪

叔

鼓勇摩戰壘鳴蜚儼相和

玉

鷺鳥奮

將起千觴慎勿辭

才

衣鉢可傳矣

箴

予門下士

鐫山爲

玉谿次聯句韻索和走筆答之

二子

才叔

先渡江四客留者半叟也鼓餘勇短歌腔弗

渝願儕學圃遲堪匹登樓粲老者倏還少不亞花枝爛

白頭興頗豪踏月那忍散

龍鍾日就衰晨起怕窺鏡園中一凝睇秋容絕豐靚白

藏無盡藏以此作後勁獨有桃與梅稍稍露寒信牆陰
態最嬌菊婢汝來媵

前年闕題襟壇坵盡趨附已芟仲蔚蒿肯棄屈轂瓠就

中喉舌工許子儼樓護

謂叔平

王郎歌斫地

謂謙齋

輪囷肝

膽露惜哉悔餘菴蟬蛻了覺悟

欲歸肥水濱終朝把釣竿蜀山營草堂召工施檻欒後
圃仍就荒自問心何安坐隱夏徂秋落子靜勿謹身疑
在田家編竹爲闌干

繚曲亦窈深豈然足音喜主人非少陵交乃獲崔李故
應化畦畛判與澆塊壘木犀將綻金平山游興起還與

老顛約秋禊及時矣

平遠樓後仁山勾工起長廊高閣盤旋而下築屋
十數楹中間顏曰四松草堂落成招飲卽席賦

詩

畏暑不作平山游主人招客來觴秋廉纖幾陣滌埃壒
侵晨雨霽風颼颼天甯門外起茶社河干新簇魚鱗瓦
涼篷放櫂那得閑燈火紅橋嬉月下都言亂後蜀岡好
卻比從前境幽窅迴廊複室冬最宜南陵使君善營造
與天一色藍琉璃小倉山中曾見之未若此閣絕依傍
晴空署額沿歐詞

真賞樓舊改爲晴
空閣今仍其名

北凹南凸中潛通

池邈自西折向東呀然更闢水精域匠心獨運何玲瓏

堂成忽憶少陵叟且學移松蔭窗牖已看離立如人長

佗年共聽寒濤吼後凋云補將軍亭

小軒與雪
航有約

雲棧重

開雙翠屏

璇題澄曠景猶昔浮圖想像唐棲靈衆僧

解夏大歡喜

是日
中元

吾輩逍遙聊復爾下山有客去煎茶

世香往充
監試官

揚子江心片帆駛

次叔起晴空閣韻

一隅不使荒眞賞乃畢露堂東翦荆榛樓北闢磴路異

地存其名

關本在平
山堂後

僧廬并完護山靈喜閣建驅風捲

江霧螺鬟新沐天瓢昨傾注相將與飛騰誰甘學泥

塑古賢歐劉蘇雲車輒來駐君堪季由追我願漁洋附

閣舊祀兩文忠及劉原父後以

王漁洋金長徽汪季角配祀焉高吟繼鑒空下語兀如

鑄四大何障遮光明頓澈悟金焦大於拳當筵騁雄顧

雨度招客遊平山堂皆爲雨所阻

黃鶴樓頭客

謂月樵

乘風一舸來不圖山徑滑留待小春

同聽雨殊愁絕朝天亦壯哉訪秋韋杜曲歸路再探梅

尚書游興發

謂子青制府

海濱又江湄罷上晴空閣重過待

月謬板輿明歲降籤贖草河披奉母辭簪組紅橋畫入

詩

前聞使車改道滁州江浦故賀錫山有可能迂道

蜀岡游之句七月二十六日忽傳鑄山將至因遣奴子投以詩筒而鑄山則贈畫扇並有和詩約九秋相見感而賦此

清流關下路崎嶇不及袁江駕舳艫未許一尊通款曲
重煩雙管搗生柿離懷寫入詩中畫夜色飽看江上蘆
君以少陵請看石上藤蘿月已映洲前蘆荻花詩意寫團扇
堪繼谷林蘇
眞賞我難希六一君才

欲圖秋禊已經年好趁歸舟醉菊天老眼無花應倦矣
在胸成竹故超然敢云著錄傳千古
新編夢園書畫錄
聊復耽吟手一編獨有西山紫寤寐還思再策輦紅鞭

哭篤臣

君喪在白門我不能往弔君柩抵維揚使我心震悼分
手才五月永訣實難料君有撥亂才大府已入告俾附
端敏傳昨奉 天子詔九竄痛滋甚忠矣未盡孝重慈
弗獲侍嗣子仗兄教君原不可死矧乃令名劬補過兼
洗心兩圖覘所造仇爽豁城府肫摯疏禮貌遇事輒勇
往熱腸待朋好與我肺腑親寥寥幾同調元氣彌渾淪
世態如枘鑿修短數前定吁非人力拗老淚爲君揮愁
腸萬端繞阿弟謂立臣刊遺編士林是則儆

子貞前輩挽詩

判蘂蕪城又兩秋平山堂起待重遊經年忽枉書函寄

扶病依然挽力適見說寓公敦友誼故應老輩邁時流

謂吳壽恬無端噩耗憑空降腸斷伊婁河畔舟

聞諸賈小樵侍御

湘中文戰久嗟跼辛苦風檐十一科偏愛尋幽踏天柱

乙未科揭曉之前君遊衡岳

旋看接武上鑾坡數奇未入龍頭選才

大能將鳳唳磨猶記把杯話疇曩桔槔俯仰總由佗

吾師京兆辱陶甄君亦乘軺蒞七閩遠涉夜郎踰粵嶠

高攀井絡陟巴岷詞曹自昔無其匹漢學於今有幾人

八掌文衡將繼美不圖雲路輟雙輪

卅五載中論聚散玉堂杖履獲追陪棗花龍樹沾春福

隋寺江亭饒夏回世運艱危收杞梓神仙兀傲下蓬萊
自從韶石停撓後三月勾留邗水隈

卓絕蟻翁筆一枝張

文文敏劉清

而外騁雄奇臂懸訝若嬰

兒抱兒古云參黑女碑賭酒氣豪頻索紙對花興發輒
臨池嶽崎磊落羞姿媚橫掃千軍那覺疲

風雅東南主坵壇共推當代杜蘇韓岱宗華岳憑探險
瓦屋峨眉樂罷官要識摛詞惟達意底須銖腎更雕肝
箇中三昧無園得使事何如本色難

逍遙風月任投簪北望春明感不禁等是誇張名士派
誰知坦率大儒心耻營生計多文富嬾合時宜造道深

白首蓬窗猶作隸湖山勝處必登臨

清燕堂前十竿竹先生歸去已全枯聯翩鎖院孫枝秀

兩文孫應
京兆試 惻愴金臺棣萼孤謂子 曾擁皋比羈厯下邳

攜籤贈住姑蘇茫茫海內知音少遺墨摩挲一歎吁

眉生北上道揚州次前年消夏韻見贈予亦疊韻

送行

夜郎氛埽澤旁流振轡難令半野休

君家有
半野樓

黃閣節旄

威海宇紫宸旒纒奠神州車驅上谷渾忘老人到西

山已饑秋此去醞恩叨雨露迴帆重向廣陵游

詩家綺麗有餘波新自鴛湖打槳過壇坵寂寥朋舊少

壺觴惆悵別離多玉樓竟把蝦翁召白塔還聽蝨隱歌

王五將至助我豪情措倦眼雲騰二十五峰阿

孫子福壽祺同年枉投二律次韻奉答

隼旗臨象郡風力與搏扶遠爾舟迴舵真同雪點爐冷
曹數梅鄭交誼匹崔蘇老去才彌壯奔流峽倒巫

爲愛揚州月還來醉一卮從軍烽火裏訪舊咏陶斯世
態猶泡幻心胸故屈奇東籬花正好吾子紉纒維

子福疊前韻謝招飲予復有讀書之約疊韻代柬

臥遊耽曠逸新得盛子履
溪山臥遊錄底用杖藜扶一自搜題躐頻

更幾篷爐賞心皆骨董巨眼屬髯蘇子有東坡題
四家古畫卷箸錄

從其實端應富不巫

輓紅塵裏住走馬快傾卮誰肯疏儀狄吾尤愛解斯分
飛愁間阻解后吐靈竒莫便離歌唱新縑緩繡維

和詩甫戍而子福三疊韻又至走筆以報

不屑浮沉共君能傲孔扶機成五雜組丹出九還爐遇
蹇身偏健神勞氣轉蘇須知平地險一例等瞿巫

忍使連城寶甘爲無當卮生徒環集處日月邁征斯君

講海門
書院

祇覺抽簪樂渾忘借箸奇婁東師範仰風教賴

綱維

四疊前韻豚子福

齊年今漸少道義總匡扶
閩海新持節邗溝會煖爐

馮松

湖視學閩中
將過揚州

驩然聚蓬梗儼若品蒼蘇
吾黨推雄伯嗟

哦壓大巫

劇慚操短綆差幸免汗卮鄂不翮
反爾時哉色舉斯江湖容放浪泉石寫清奇
徑欲歸肥水編茅樹枳維

招子福伯符頌臣儀董軒小集讀畫五疊前韻

殘秋猶入畫眠柳仗風扶且復穿花徑
相將品竹爐

子藏

有唐六如慧
山竹爐圖卷

高低翠籬落蕩漾錦流蘇
安得丹青手憑

空狀十巫

不必雄無算呼童倒卮耆年逃暑客

夏日招伯符飲不至乘興

一來斯吾輩適其適古人奇又奇模糊措醉眼展卷共
睢維

子福四疊韻至復六疊前韻索和

漫說山公醉都嗤嘯父扶捫胸有芒角奮筆若鍾爐賴
爾新詩至教儂宿酒蘇清腴堪飽飫知味比雍巫
問候重陽近登高泛菊卮湖山本無恙壇坫盛於斯多
壘長城固偏師閒道奇改絃彈古調五字讓嚴維

重陽次子福平山堂歌韻

冷風颯颯雲茫茫東軒獨坐搜枯腸登高卻愁路泥滯
問誰蠟屐平山堂改絃爲我彈古調髯翁鼓興先重陽

追蹤太白得神髓長篇鉅製何洗洋行年日六十有二
老矣尙欲揮袖凌虛翔京華判袂荏苒已廿載羨君善
學陶柴桑當其典郡柳州日我方宦轍馳五羊中間音
問久隔絕榮枯一例區炎涼忽聞橐筆到長樂度嶺我
亦辭狼荒廣陵有幸接壇坫霜天來賞金剛王舉比罷
擁先生出門去故交寥落握手增感傷相看朱顏換雪
鬢洗盞命酌毋彷徨延賓後圃秋色富絳幘錦衲齊焜
煌題襟館外闕此花世界自從消夏不斷陳壺觴草河
之遊今歲少那期放櫂過婁江連朝酒兵角屢北畢卓
幾至眠甕旁我醉不能興君醉吟彌狂潑墨淋漓賈餘

勇豈知身入無功鄉性耽邱壑厭塵市健步直上橫虬
岡山頭戰壘平松柏重栽荆棘場山下枷板喧兒童競
繫茱萸囊前賢遺址快修復憑闌四顧神飛揚矧逢三
吳旱太甚此間時若民阜昌往時園亭滿湖上堪埒程
鄭儕田牆吁嗟倏罹烽火劫青燐遍野如丹良還資禹
筭召工作連類而及因發棠前年直隸水災勸捐
棉衣遂及平山之役三年
始獲畢茲願風雅政事奚相妨題糕令節竟孤負持杯
自擘雙螯黃山僧昨貽三十本酒酣倍覺吟窩香

予福九日悶坐書懷疊前韻索和

欲雨不雨天味茫秋陰最惱躡客腸高歌縱酒亦云樂

勸君且莫旋鱸堂離多會少重惜別明歲便擬歸耕大

蜀山之陽坦途所在有危境宦海卽是零丁洋鞭鸞笞

鳳紛紛困毛羽黃鵠遠舉寥泝冥鴻翔書生但解述周

孔安能心計追研桑軍興以來功名馬上得人浮於事

九牧而十羊緬懷我友崇戶部峻躬膺艱鉅藩西涼刁

斗總推程不識和繡衣持斧雄南荒桂林方伯更佼佼

謂文式品詔起於家內擢殊勳叔雨王蔭卅年同譜開府嶺

南獨數任城李星衢故人宿草白首彌惋傷金臺舊侶悵

契潤喬飛無翼徒徬徨且喜小春可以集柴敦使星東

下何熒煌謂湖慰留君再作一月聚官閣偕飲梅花觴惜

哉穎士

諱蘇

絕濡滯幾時鼓柁來章江云胡躑躅東湖

旁茗溪書至約過訪

謂漫雲

待執牛耳降詩狂宋

雪陳

劬

二老嬰鑠冠儕輩令我夢寐思

帝鄉崑岡壓倒桃花

岡栖靈猶存古道場主賓提壺入山寺爭奇鬪險探錦

囊晴空閣上發長嘯巨刃在手摩天揚衰頰可奈髮種

種雞坊小兒輪賈昌鼎銘僂偃戒循牆詭遇自昔羞王

良置水一盂敢不師任棠斷章尋繹白傅句千名政恐

與道妨服膺老氏二知訓如膠黏木豆合黃淨埽塵慮

自然聞妙香

倒押前韻脉子福

垂老難爲別深情永繫維逍遙殊自得爛漫不求奇卻
訝來何暮猶然某在斯邀君看打劫且盡掌中卮

耽吟成痼疾揮手謝庸巫剝啄佳章至瞢騰倦眼蘇生

涯託鉛槧

延君入書局

寒信戀裘爐忽地雲開幕冰輪出海

扶

李愿歸盤谷羞將車服維襟懷彌澹泊才氣益高奇崩
厥旂皆靡雄哉斧以斯十千追問價三雅莫辭卮

者舊凋零盡招魂用楚巫愴然居夢澤痛矣客如蘇子王

壽何子貞但有安心藥何須鍊汞爐歸嬉鳴老鳳止止
皆歸道山

曰捉扶

次子福儀董耕觀棋飲酒二首韻

三百六十一局陣交縱橫不知鴻鵠至有客方盱衡此
中寓兵法架入巢爲傾四角倖牢固中原俄蕩平豈恃
孟賁勇唯仗離婁明撚髭動殺機靜躁關性情指揮果
如意須臾了一枰與其打劫活不若官子贏曰無佗謬
巧國手先著爭夕陽忽西墮簾外聞丁丁

拍浮酒國中胡爲觴政拘雖然喜疏放亦厭狂叫呶

叶

吾儕文字飲蔬筍皆可娛澆愁破塊壘方寸生恬愉主
人本下戶難侶高陽徒老髯量江海氣足吞百壺衆醉
乃獨醒沈酒奚受誣脫略到形骸規矩終未踰趁晴補

重陽樂與山林俱長吟復短詠端資酒力扶飲罷重手
談環觀列坐隅

予將往金陵子福三疊前韻送行走筆答之

殘秋萬綠猶迷茫柳絲漾開冰雪腸昨宵走馬競看榜

千行燭燦衝鑿堂

南開於十日揭曉五日揭曉

渡江亟思見我友西臺老

鳳鳴朝陽

謂鑿山

門下門生斯時尙不辨某某珊瑚入網

陸離班駁蟾魄同潢洋

鄉試詩題波光搖海月

樊籠那得困毛羽

顧盼鷹隼摩空翔問余歸期在苒十日耳必恭敬止醜

酒聯梓桑

吾院會館將補行圖拜

先生少休待返旆重壩三徑招

求羊龍潭路熟慣于役吹面能耐商飈涼一莊足矣誰

道崔羣荒莫愁湖上霜葉醉登樓共弔中山王北譙詩

翁踞壇坫

謂慰農

百錢拄杖奚誇傷還思去就文字飲意

態整暇徃不徃邇來秦淮兩岸寂寂斷歌舞豈似當日
銀燈爭炫煌板橋東西試一望畫船打槳催行觴豪家
公子恣謹宴平章風月忘渡江丁字簾前笛步旁蛺蝶
成陣穿花狂六朝金粉溫柔鄉流連水榭那復躋梅閣
干戈擾攘竄豺虎化爲瓦礫荆榛場綠髮少年頭白感
陳迹絢爛之後餘此骨董囊讀君送行詩慷慨逾激揚
江左讓獨步不朽天所昌一時豪傑盡推倒屈賈之壘
曹劉牆奈何寒瓊頻年坐講席薦諸廊廟禮官孰若幡

皤良名山事業好珍重餘霞散綺暉
雒棠十枝五枝花
在壁護持曷至青女妨過歸烹茗對
冷豔雙非用餉涪
翁黃寄傲有圖勞君爲我一題詠興
酣睡落字字珠璣
香

次子福謝入書局韻

長安交臂失詩人留得邗江未了因
嘉惠士林延碩學
劇慚巴曲和陽春殘編到眼文訛亥
同譜關心歲在辰
三十年前偕射策輒紅塵裏碾雙輪

訪子福不遇旋壘前韻見投索和

海門一帆挂邗上扁舟橫雄才老無
敵強亦思抗衡久

別忽相見絮語衷腸傾抽簪事鉛槧我爲鳴不平君曰
幸未衰觀書眼更明奔馳二十年迂拙忘世情局外轉
恬然無心對楸枰伊予但能守唯恐戰不贏漁翁每得
利笑佗鵝蚌爭既負乃欲勝落子方丁丁

侵晨客何往厭爲冠蓋拘或者在睡鄉中酒宵酣歎月
明廿四橋入耳蕭聲娛開函諷君詩詩中雜憂愉卽今

歌鹿鳴可有君門徒君龔掇巍科命中如投壺端人善

取友此理良不誣許棠謂叔平竟甌甌得母程式踰日昨

儀董軒擊節歎賞俱乃知蓬瀛麻有時還待扶忍令好
身手終老浮山隅

宿慶眞觀次子福絕句六首韻

菊瓶挂壁影珊珊日午敲棋飯懶攤
小別東籬已惆悵更愁詩債未曾完

長歌短詠總清新風雅詞壇邁等倫
可惜貪看二分月不能同作渡江人

酣眠鐵甕夢魂安昨夕飲叔彥
衙齋大醉爲避乘船上水難豔絕

紅黃閒蒼翠渾如讀畫到長干

行腳云何梵行修大澈又
不在觀征鴻爪印又空留
二更忽聽

風聲吼蘆雪狂飛與送秋是日
立冬

九轉靈丹足化頑霎時召入上清班
紛紛羽士談鉛汞

不識爐支方寸間

願仿坡公戴笠圖肥津春喚曷歸乎眼前頓悟禪家旨
打破機關聖礙無

曉發東陽

疏星幾點月沉西漸吐濛光路不迷將葉作花孤蝶舞
因風成陣亂鴉啼縱然春小無寒信還覺松青儼嫩黃
絕勝去年歸趁凍萬梢蘆雪正開齊

渡江口占

鐵甕城中方命酒金山渡口倏登舟主人謂叔彥自是多

情者招客陪賓兩日留

竹庵前兩日渡江
候子竟不果往

歸自金陵次子福韻

筍輿山徑獨哦詩斜日空江曳艣枝爽約罷傾蕉葉琤

過鎮江叔彥

招飲不赴

多情重款豆花籬

子歸之次日園林倏忽

三秋盡壇坵侵尋十日離早晚鋒車到淮浦

謂崧湖

經年

契濶劇相思

絡繹傳賡往復回盱衡當代此奇瑰斷章出谷遷喬詠

乘興紅橋白塔來賴有湖山增韻事不圖鉛槧老雄才

任佗蒼狗須臾變兀對黃花笑口開

次子福韻

強項如何肯乞憐箇中埋沒幾豪賢噴佗孟浪成孤注

悵我蹉跎又五年，鋒歛處囊錐未脫。飢驅聽鼓，金空懸
本來夾袋，儲才富難得。詩人爲孽牋。

次子福卽事韻

花枝照眼酒樽盈，廿四橋邊把臂行。旖旎那廂銀燭影，
飄揚何處玉簫聲。端應月占二分足，莫便帆張五兩輕。
憶否吟窩殊自得，一枰相對坐寒更。

子福題寄傲圖五疊前韻賦此答之

吁嗟乎而髮蒼蒼而視茫茫，欲歸不得，繾綣寸腸。肥城
東偏屋近市，蜀山尙待營草堂。竹千竿兮松萬本，巖阿
幽曠底須還曲陽。

予世居定遠西鄉爲古曲陽

葉霖夫譜前年忽搜

出朱朱白白異種大抵來西洋生成傲骨霜天冷逾豔
鳳毛鸞尾作態紛紛翹翹藝菊甘爲灌園叟蓬戶甕牖桷
架桑人生世上百年本如寄若輩直等園中鹿與欄中
羊往者度嶺北征返故里干戈亂後觸目增淒涼豺狼
白晝竄阡陌荆榛遍野奚止三徑荒嵒生寫圖歲在辛
未夏壇坫四子正集何暖叟叔王謙侵尋兩載悵離
索半歸黃土心怛傷秋風能耗花事太寂寞有約不至
令我空徬徨謙齋秋試後幸獲髯翁振旗鼓吐氣滂湃
詞煒煌惟君堪與壽客伍驩然一舉累十觴紅橋白塔
騁游興且勿挂帆揚子江坡公名句願三復骭麟羞倚

門之旁和光同塵強項斷難學只合流連詩酒散髮容
清狂懵懂知進不知退危哉插足蠶叢鄉卜居喜近箏
笛浦弔古怕到焚書岡此身幾時去束縛絲牽傀儡眞
戲場五斗折腰素弗慣遂初君已拋笏囊匪佞匪驕聊
以養吾拙自適其適那耐春簸揚孤高竊仿陶元亮輕
媚耻師徐德昌請看枝蒂借墜落漫云簾幙猶籬牆范
績絕不信因果議論足折王子良畸也居官尙能友蘭
蕙儉也樂道曾聞巢海棠乾坤睥睨任軒豁形骸放浪
原無妨嗚呼髣髴於今罕匹偶人品晉宋詩蘇黃更思
合圖爾我相對賞殘菊待月詔內飄然襟袖皆生香

奉和王補帆中丞癸酉福建文闈監臨卽事四首

韻

猶記迴舟入粵年分襟剛值桂花天羨公甌越移旌速

庚午八月公於粵闈拜八閩中丞之命悵我珠江解纜先離索那堪區宦

轍疏慵迄未了詩緣樵雲慨察暨子嚴舍弟在閩中用東坡試院煎茶韻作詩送行公莅

閩索和略揭來把盞晴空閣神往金崎烏石邊

鄉國賓興俊又求階前爭願識荆州要防弊竇全無罅

力挽狂瀾莫倒流條教用垂天下式公去秋奏整頓科場積弊訂

謨入告禁中留近聞寒士歡顏甚閩闈新小草都蒙

藥籠收增號舍

梅花手種十三株

公在粵建應元書院內有十三本梅花書屋

見說西湖韻

事俱

公詩自註云近於西湖書院舊址建致用堂手植梅花撰聯題額以勗多士

斧到巉巖

欣剖璞網投滄海肯遺珠關門典重才歸範伏案功深

學愈愚况復詞曹清望著偕持英簞下蓬壺

謂馬玉農張振卿兩

主試

白頭憲長主文場

劉鶴山副憲再典江南鄉試爲濬頤門下士

門下門生正

濟蹠敢詡傳衣匹和范端應連茹得龔唐登龍自有空

羣目鳴鹿還賡第一章更喜輶車將戾止

謂馮崧湖學使懸知

擊鉢向槐堂

子福復贈三絕句云將以和章裝池成卷次韻謝

之

難得詩狂更酒狂菊花香裏卸輕裝
武夫瀾玉添惆悵
底事勞君韞匱藏

短詠長吟風雅甚襟懷曠達不牢騷
翩然直上晴空閣
放眼江山氣自豪

看花迴憶少年時忽忽而今雪染髭
羨煞廣陵來作客
一燈如豆獨敲詩

喜松湖至得詩六首別後卻寄

新得名賢跡涪翁

大字砥柱銘及
王史二墓誌稿

與大癡

富春
山圖

皺空聳

螺黛作意走蛟螭正好扁舟艤偕將
卷軸披雙輪驅若

駛

爲君假輪船渡江

篋節未嫌遲

諫草堂中物頗年結想殷賞心無過此巨眼孰如君重

以百朋錫拚教兩美分

君爲余購得京師松筠菴心泉僧所藏夏禹玉晴江歸棹圖王

孤雲金明池龍舟圖倪雲林漁莊秋霽圖主西廬山水冊並以香山郭幽居圖見贈心泉亦贈君重江歸棹

圖夢園添箸錄握手共懽欣

秋末始乘輶

君以九月二十八日出都

仙霞去路遙

恩辭

紫

禁訪舊住紅橋

罰子福

別久快相見歲寒知後凋往時青

瑣客花外記連鑣

操觚皆率爾吾子最矜嚴能事千秋擅雄才三絕兼多

文遑覺富有句不輕拈神勇今誰匹浮圖造頂尖

同譜嗟寥落京朝只十人疲鴛猶戀棧大雅獨扶輪
宦轍茫難定交情老更親計程勞跋涉殘臘抵甌閩
聞阻瓜洲雪篷窗儼畫圖三山窮眺覽古法一追摹可
奈分襟速奚由挈榼俱尋梅饒韻事還憶蜀岡無

次禮園詠雪禁體韻

快躡晴空閣嚴威酒陣衝高低迷四野凹凸掩三峯驢
背吟情壯鴻泥爪印重渾淪無色相匱匝渺塵蹤白塔
光爭射紅橋路已封亂篩千箇竹密糝萬株松石磴鞦韆
愁沒漁舟釣使恭頭番初試手澤普廣陵冬

竟日聽廉纖將哺響更添錚錚紛墮砌昔昔宛歌鹽夜

擁衾忘煖晨呵筆退尖模糊難見瓦瑟縮不開簾投炭
仙人巧烹茶太尉嫌天公方作戲下土乃深漸宙合元
陰迤來牟瑞兆占延賓呼埽徑旭照又垂檐

苦寒用昌黎韻

一冬久苦旱頭九雨雪兼脅陰搏陽氣厚載斯流謙膝
六昨奉召佐以雄飛廉須與滿大地凍合青山尖布衾
訝似鐵蒙頭睡不甜晨起步庭院刺骨鋒芒銛微烟斷
香鴨層冰凝硯蟾蜀岡化琉璃弗敢遽往覘向火舉媚
竈無已學趨炎二麥苗將枯日盼醲膏沾農夫終歲劬
駭家仍腰鎌天花糝鱗隰兒欲薑芽拈萬口如蟬瘖瘖

憶遭緘箝澤腹堅琉璃水程滯郵籤舵樓瑟縮坐一線
皆慵添須知大布温織素逾織縑莫怪高士臥閉戶甘
退潛園亭衆木僵獨奮蒼松髯肅殺轉兆豐穴中螟蟥
殲郊原八寸積其始霄霓織元冥肆酷虐義馭憎稽淹
安得駕坤軸投入洪爐燂哀彼百結鴉奚解農祥占惻
然聽鴻磬美酒羊羔嫌朱門有煥館貧家屋蓋苫重裘
粟生膚對此神爲恬西陲猶用兵匪可教化漸多士捲
甲趨栗烈馬首瞻側聞玉關外雪海漫堆鹽逞威助戈
鋌所到除凶愴閱茲從軍者顧乃垂帷簾梅梢動生意
索笑時巡檐龜手畏打劫絳蠟昏黃黏空齋撥灰歎伊

人渺蒼蒹

子福已歸海門

孰云做縕袍煖遜貂褕襜負暄亦殊

適慎勿求無厭

題閭硯香

德林

焦山放鶴圖

孤山放鶴林君復報客飛來歸樞速東山放鶴張雲龍
逍遙且暮辭樊籠於今更有鄧完白集賢關寄佛奴跡
完白名鶴
曰佛奴
上書太守免鶴尾繼之者誰推鐵客任爾守

梅適其適海上聘得仙驥雙扁舟載遊揚子江愛護胎
禽發宏願作記欲抗陶華陽吁嗟乎放鶴生瘞鶴死與
其勒銘將壽紀曷若縱之凌霄起前身合是支林公解
脫塵網追冥鴻紛紛不舞羞氈氈引吭頓趾烟霞中黃

華道人圖亦好寫出岡巒絕幽窟會當踏雪自然庵狂
歌招鶴向雲表

天甯寺觀說戒二首

十四行省人來者三百衆或判一衿棄或投戈講誦如

許善男子頂禮梵唄闋三壇次第開

傳戒凡三壇曰沙彌曰比丘曰菩薩

延賓設齋供牒比官符強打包行腳用周流徧天下飢

渴恃無恐翩翩裘馬客罕與朋友共莫怪儒入墨我爲

斯民痛

道場廢未舉已四十七年

僧真修言

及茲蓮界新藉廣衣鉢

傳敢云作護法香火皆因緣仲冬月初吉金身煥莊嚴

請看學佛者多於弟子員幾疑大昕鼓遠遜棒喝禪晦
菴曰平實東坡心法詮能以理自勝昌黎亦取焉遺教
及普門跋者真西山佛不離文字了翁一覺宣數典詢
沙門倘謂吾言然

行將六十鏡如壽以三肴全韻次韻述懷報謝

玉宇矗雲旂瓊鬘亂拂捎忍寒咸噤喑呈瑞獨誇鑿算

奪才過憲篋盈手緝苞將占挂冠句

放翁詩云六十年
非心自了挂冠猶

足補喜筮盍簪爰興舞霞成綺弓彎月滿朔白青工妃

儷雅鄭詎紛滄學以閱而肆心乎靜不呶宏篇敷藻繪

老態掩頰頤會看衣彈柳奚嗟屋破茅功名猶拾芥生

計儼浮虬片硯供甘旨雙髮易酒肴仲尼稱德驥關尹
識賢蛟排比洵多偶揄揚絕盛儻宦游到淮甸鄉夢戀
湖澳五稔仍淹滯千絲互轉膠去攀庾嶺峻來陟蜀岡
嚙伏櫪艱騰蹕登場敢奮虓琴防絃驟改瑟任柱猶膠
易退無如鶴羣飛且讓鳩但求堅抱璞曷畏險鳴鶻遣
悶楸枰展偷閒案牘拋相爭宛蠻觸弛備薄敖鄙簇錦
紅張幄籠絲翠颺鞘偶然集槃敦渾似叶笙篳與客鋒
芒闕由人飯顛嘲吟窩欣戾止塵網漫能膠花月陳樽
竿軒庭聚禊稍有山堆竹徑無水覆堂坳籬畔嘶風蛩
亭邊喚雨鶻形骸嗤放浪面目媿顛顛轉曠流光速昂

頭醉語謔問年垂耳順故事亟搜捋幾等銜泥燕惟餘
挂牖蛸家園歸未得兵革悵誰教爰卜肥濱吉重呼鄣

匠匏先靈期妥侑冥想益悲脩

現於廬州東郭內
重建筠心堂支祠

髡禿

松千樹迷漫土一培豺狼朝竄突狐兔夜哇咬剝復循
環運乾坤莽芥勺因之遭輒軻羌乃出罽毳勁持帆
腳灘高把柁箝願師凌簡貴莫學昶輕訛挈矩輿情順
摸梭衆口警勢難離蹙駟材肯棄驚聲挹澗資沾丐噓
枯仗颺颯直趨平坦蕩動觸礎礮礮銚愷殊苛縛甞宏
異窳窳溷黔馳露布秦隴息征錢祇覺甘於蔗何堪閉
若匏嗚嗚兼嗑嗑肅肅勿嗃嗃顧我常噎噉憑佗戲激

颺蓼綬充阮辭嘔喻戢然要悟松宜烟端須憐弗悞
馬瘖非善御刀折豈良庖湛露金臺渥炎薰珠海颺節
旄虛報稱翰墨那容勦饒有圖書癖恒思籤暉瓊瓌奇
羅骨董斑駁麗旌鬚林密空施斧波渾每入翼也曾習
蠻語耐可聽吳談韻夏琅玕裏

粵東運署有
碧玲瓏館

詞妍豈寇

稍辨音母泥沈解字必宗淩

編韻詰一書以
說文爲綱領

正統隋唐

際偏安天水交衣冠懷良岳樓閣寫燕郊

刊隋書舊唐
書南宋金元

雜事
詩

苑記徵螢放泉疑賽虎跑河流三汊滙斗柄七峯

巢烽火停歌吹枰樞委炙炮城蕪民轉徙綱廢利侵娟
保障全湖浚栖靈梵界庠迴窺江上塔俯瞰澤中櫟暑

泛蜻蛉葉涼生菡萏胞八圍在何許一瞥幻同泡卷甲

屯香阜研經下戰鞞襟題賓從翁挽脫史胥鈔弱趙難

攻漢強秦亦困嶠茶寮甥肖舅荆館弟留裂

才叔爲晉王之甥息

抱園有茶寮女荆花館

卻盼擎舟至都令擊鉢驟齒驚逾少壯產

厭論肥瘠欲卸樵夫擔還收獵者罟闌嬖忘姻媵媼

陋媿媯好植扶疎桂羞儕盤錯枹相羊逃墅謝烹鯽謁

祠包

廬州香花墩鯽魚最美

倦矣思藏拙休焉耻務佼鴉鷺方濟

濟鷁雀罷喁喁藝穀忙除莠培蘭勇拔脊釐延佩剛卯

躬被屏柔鞞仙倘昇雞犬醫追聘蠡庶尋梅穿北峽觀

稼抵南鄴嬾見封姨妬愁聞颺母哮安眠牢鎖鑰緩步

當輪駁野菜儲冰盎香杭貯綠筍輕心耽餌麥發氣慣
投兀顛倒貧俄富依阿醜自姣地鄰箏笛浦居近鷺鷗
巢遠派紆桐柏分支走泌洵抽身寬束縛繞膝劇驩嘯
情早游春繫

香山詩云不準擬身年
六十遊春猶自有心情

詩煩冒雪敲咀芬

侔感擊引緒匹筠菱寸鐵輪長劔洪鐘壓小笈緝聯將
意貫詰曲免牙聲囊醲糟傾醴丹爐汞化硃鏗訇應巖
吼雄邁化龍咆蜂使勞狂采狙公怯巧抓酣歌矜放膽
雋味饜腴睂覩縷予懷吐縱橫大敵譟坵壇衰朽振呵
凍迸珠鮫

張叔憲

度

太守自京師寄詩次韻奉答

君兩至維揚庚午癸酉春庚年我入粵弗獲觴故人珠
江夏徂秋儻忽聚易淪今年君復來握手歌苓榛名場
屢旣耗下氣甘蹲循郎官五馬貴捧檄馳 楓宸期君
作徐棠攀桂傲沈彬終當奮天衢騏驎裏倫祖視守
勿失文字皆經綸長安萬人海素交德有鄰肝膈共傾
吐面目存其真自我轉外臺弗忘輒紅塵久要矢弗渝
白首還如新君妣亡室姑貸金助鍼紉敝車冒雪出踏
凍花間聽與君入酒家烹羊更炮燴一別十三稔南北
嗟勞薪聞君銜恤歸航海茹苦辛水火占旣濟盪波舟
駕輪不圖久契濶相見燕城闔爲君說詩境九年南海

响西風怨落葉虬枝鬱輪囷情重語纏綿中擘外玢幽
那堪簿書困待聘爲儒珍勉旃養木雞篤實非諂諄聊
以棋局譬勝負奚足論寄聲日下客老矣思鱸莼肯令
車笠寒膠漆追雷陳

歲暮書懷聯句

兩番雪作花一月苦泥淖子箴孤負平山堂閉戶嬾登

眺禮園羨他訪戴人獨放剡溪棹箴蕭齋益無俚搔鬢

發長嘯禮老夫抱詩癖醫者無藥療箴儼如獲美食未

嘗口先笑禮於今風雅衰寥寥幾同調箴何必誇曾盧

騷壇足相傲禮

廣陵四達衝日日有過客箴江淮馳舳艦文字聚裙屐

禮方春浚鹽河真州屢行役箴沈沈待月詔長夏傲吟

席禮詳稽魯薛壺審定司馬格箴疏簾清簟旁環矚奕

秋奕謂耀文孫壽謂子海上來嗤我酒腸窄箴緬懷阜

帽人尙困凌霄翮謂才叔

秋風撼落葉秋蜚鳴不平箴畦邊晚菊花先開讓羣英

禮如何許行屨兀似林雍躋戲謂叔吳剛既缺斧子晉

徒吹笙謂謙齋棄甲曳兵走竟寒牛耳盟謙齋有約眼

中二三子已足堅長城禮忽聞薤露歌淒然雜商聲箴

太息夫耆舊悠悠傷此情禮

九月到白門弗及春日好

箴

金粉逐潮空鶯花共秋老

禮

王郎

謂蔗薊

埋白骨笛步委荒草

箴

何以存故人壽之

半寸稿

艾新刊蔗薊詩

禮往時行樂地伶俜寒蝶惱

箴

大似自

髮翁回首談天寶

禮

抽簪杖挂錢

謂慰農

酣嬉百樽倒

箴

獯鬻江上多望遠切懷抱

禮

瓊寶入吾手

新得山谷大癡書畫

債帥喜欲狂

箴

載之書畫錄虹

月生光芒

禮

遠迨北平孫近抗長樂梁

箴

所處雖膏腴

所得惟縹緗

禮

肥濱召工作亟亟營草堂

箴

萬千富卷

軸八百無柔桑

禮

王家小輞川亦足資徜徉

箴

莫賦招

隱篇清時需棟梁

禮

秦隴滇黔平元旦語成讖箴 默感通精誠出口若符驗

禮 當陽震乾剛兵革彼蒼厭箴 中原氛祲銷耒耜換

刀劔禮 揮鞭出玉關鞍瘃殊可念箴 天戈一奮指仁見

平狃獫禮 市迷蜃氣噓烏歷鯨波激箴 多幸時運昌餘

事老鉛槧禮

圍爐寶米齋久不到後圃箴 梅胎柳全髮竹亞籬曲補

禮 悶損桂未花差幸桐皆乳箴 槐陰滋舊苔松古發新

塵禮 透迤小吟窩本是納涼所箴 詩人耽詠哦那肯息

尊俎禮 今年臘前春雪霽漸溫煦箴 新月何娟娟清輝

鬪眉嫵禮

浮山有病叟，僮僕壇坵逃。

叔平久病未瘥

箴玉谿齊老顛縮頸。

爲寒號。

玉谿畏冷不出

禮兩軍忽交綬，寸鐵空堂鏖。

箴綺思豈

能敵，絡繹如桔槔。

禮

客來輒敗興，客去重揮毫。

箴狂奴

習故態，對此不敢豪。

禮

燦然五雜俎，麗于獨繭繅。

箴官

齋歲暮樂倡和音陶陶。

禮

臘八日聯句

三九儻已過，嘉平日之八。殘冰開流澌。

眉生

孤艇泛嘔

亂階前，聆笑聲。

禮

案上觀惡札。

予正與禮園聯句

縷薑訝魚

生。

粵東人嗜子箴

爲黍閔雞殺，饌鼎差可冀。

眉

酒杯許借嚼

雙弓別飯顛。

禮

一飽傲羹頡，取材匹侯鯖。

箴

數典煩祭

猶鶴糧好分餉眉 猶飈肆摩夏肅寺方斷蓋禮 田家正

納秭衣鶉巧赴厥箴 木魚僧敬刹救荒曾屑榆眉 禮佛

式登榻火齊嫌辛溫禮 防風遙柔滑攪以棗栗茨箴 馨

逾檣椒檄俄聽飢腸鳴眉 聊供饑口讎咄嗟客來辦禮

熟投帳下黠滲膏切狼觸箴 糝肉和豕脰五葷永棄捐

眉 七寶淨指拏寒食冬凌訛禮 暑啜羅闍融洗廠勞澣

篩箴 研酪費磨刮成道目敢忘眉 比邱戒宜察厥初仿

招提禮 乃今徧塊北羊胛先炮燂箴 貓頭後煨茁葢刀

鮮比鱸眉 車螯小於蛸鮑厨薄具肴禮 陳井慣投率蠱

向龍壁攻王少鶴有臘粥詩亦用八字韻箴 令驅螯弧拔朶頤養衰老

肩 果腹助瓢詡節稠饗貪饗禮 醑稀便缺醬同雲莽垂

布箴 長夜互嘲晰視近匪虎耽眉 鳴高肖駝園居然鑿

於斯禮 歸舟曉鴉嘎箴

次眉生韻

東南槃敦我同盟輪爾胸羅萬甲兵燕市小春雙屐踏
邗江大雪一舟橫達權通變真機警錯節盤根總玉成
睥睨狂歌駭流俗管城洵足破愁城

斯人自有千秋在直道而行任毀譽歷盡迤邐彌坦蕩
了無悶損但軒渠羣空凡馬雄姿奮手縛長鯨偉略舒
難得寒宵重把盞隨風珠玉落襟裾

答眉生疊前韻

年來迭主坵壇盟角逐詩兵更酒兵皓月有情當戶照
青山無數隔江橫洞明每愛半升漉子建俄看七步成
聞說魏塘湖上好料應風景過燕城

往日蹉跎今老矣雕蟲小技博虛譽逢場作戲聊如此
捷徑爭先莫問渠風逆收帆行便止雲歸戀壑卷難舒
栽松大蜀龍鱗長準備扶筇曳屐裾

題禮園吟陸草堂詩鈔

悔餘向我亟稱君磊落英多信不羣試讀長篇和短句
宛垂秋露藹春雲看花賭酒雄諸子射虎屠龍張一軍

九萬扶搖風力滿蓬瀛接武誦清芬

眉生招集吳氏園

小玲瓏山館故址

曩讀樊榭山房集街南書屋分詠題馬家園子著江左
厥兄秋玉弟佩兮叢書看山兩樓好透風透月軒東西
覓句有廊石架屋井可澆藥階翻之草亭七峯絕青峭
藤花巷外垂檐齊梅寮似鄰清響閣雪天索笑橫琴宜
小玲瓏館冠其首東南名士觴於斯太鴻區爲景十二
想見淮雝全盛時百餘年來感興廢豺狼竄入蕪城內
萬株松柏斫成薪七尺珊瑚可憐碎湖上八園瓦礫場
往日種花今種菜名區猶幸得主人一角蓬壺擢荒穢

延陵賈客慕風雅魏塘詩叟增韻事招呼三友盟歲寒

座中唯偉堂仁山與予三人

傾吐肝膈無罣礙多情款我水精域把

盞流連午至晦倘煩畫手寫作圖此會真堪繼前輩

後圃散步

畏寒久不到後圃探梅一登香雪亭疎籬高下麁眼豁

塔松聳翠脩篁青柳絲垂垂未坼甲籠煙弱態何伶俜

待月謔邊快凝睇蓓蕾欲放中含馨十二丹砂三綠萼

花孕滿身春橐籥再遲五日東皇歸

十八日立春

吟窩招客

圍爐酌不須遠上晴空閣

子嚴挽蘭甫爲予作六十壽序蘭甫復祝以詩次

韻報謝

寒窗險韻拈

和鏡如詩子
三肴全韻詩

夏夏乎難之不圖屆周甲嶺

外詩人知瓊瑤辱嘉貺東閣梅開時十年文字交頌禱
無諛辭別來四寒暑夢寐南園思安得及春莫花下傾
千卮苦爲一官縛坐看流光馳今年臘雪早三白霏階
墀衆推執牛耳壁壘雄旌旗身雖在邢溝心已到海湄
健步登菊坡不煩邛杖持寄聲飲中仙

謂恢垣

曷賦紅橋

詩

臘月十五日法淨寺禮佛雪航招集平山堂

往年在京師曾見劉巒塑近代無此工搏埴久亦固巍

魏丈六身頂禮爲民顙淮東豐樂區慈雲大呵護惜哉
少浮圖空詠謫仙句

鼎俎羅葷羶輒復慕禪味云何澹詩境中有蔬筍氣伊
蒲衲子供芳香滌腸胃窗外鵝忽鳴鰓鰓厥聲異屠刀
既放下戒律吁足畏

叔起招集同人醞飲於小盤谷用東坡中隱堂韻
同作

幽絕南溥屋新從海上歸閉門長卻埽寡過久知非出
網魚游泳巢林鳥倦飛素心良友共寒暑肯相違

今年連舉

消夏消
寒之會

才華丹穴鳳筆力玉山齋詡徑重教關山亭無限高此
中多野趣可以息塵勞媿與求羊伍

谷外題曰
求羊徑

何時易

履袍

圖畫張都尉

子藏張端禮盤谷圖六段
東坡爲書昌黎序文於左

摹成縮本無竹

松皆老健桃柳各暖姝斗覺韶光至渾忘短景徂登臨

雖爽約盛會那曾孤

是日爲東坡生日本擬公祀
於谷林堂以君招飲不果往

風帆遙入望郭外卽河壩相合遮三面移須障左偏

味琴

相撫松篁尚
有未盡之工

曲陽臺榭圯肥上草堂遷動我林泉興銜

孟意惘然

客來談楛語手撰蜀岡碑

君撰重修
平山堂記

莫問千年鶴羣推

五總龜几陳餐玉訣囊有買山貲况值邊氛靖蒼生喜
不悲

次眉生夜泊瓜洲寄懷韻

懸知揚子江心月更比紅橋分外明獨客篷窗自歌詠
鏗鏘如聽管絃聲

蜀岡攜榼待明年隄柳千絲蘸碧煙直到餅桃花放後
課桑局裏看蠶眠

懶向鴛湖泛凍雲居然橫海領詩軍誰知破浪乘風客
斑駁胸羅織錦文

餞臘沾春半野樓故應曠達不言愁告君新作圍爐會

冒雨傳呼鞠部頭

飛揚旌旆至可奈玉樓寒

禮園常來叔
半患嗽未瘡

健步躋巔頂豪

情鼓筆端

十五日遊法淨寺十
九日製蜀岡楹帖六

雅宜盤谷小

叔起招火
小盤谷

饒覺醉鄉寬買斷肥濱地秋來架桷樂

除夕口占用少陵今夕行韻

足音趑然忽已徂

禮園先約聯句日
晴至齋中卽行

推敲那肯吟興孤

本來胸中望礙無手談之外文字娛昨聞三老並遷擢

殷譜經前輩除少宰宰宋雪帆閣學
擢少司農劉錡山副憲擢少司寇

持重弗藉緣都盧

明年倘許入京洛畫工一爲鬚眉圖

叔雨有杏
苑益簪圖君不見

爭祈利市打如願穩睡安眠直千萬

枕上不寐疊前韻

朝天夜半雙輪徂班心羅列監公孤抗塵走俗風骨無
獨有歌詠情爲娛老夫判與歲相守醒眼足傲邯鄲盧
耳中爆竹聲不斷堂前儼懸嬰戲圖幾時始了同平願
騎鶴何曾纏十萬

